

مسرحية من فصل واحد

## إشاعة

السيد حافظ

مطابع الهيئة المصرية العامة للكتاب

١٩٩٥

( المكان .. شقة صغيرة .. ديكور بسيط .. كل شيء منظم ومنسق )

(تجلس الفتاة تشاهد التلفزيون والشاشة كبيرة وتتسع لتأخذ مساحة كبرى فى  
خلفية المسرح )

**المذيع :** ونحن اليوم ننقل عبر الأقمار الصناعية حفل تكريم الأستاذ العالم د.  
مصباح الزمان الذى حصل على جائزة نوبل فى العلوم الإجتماعية وها  
هو الأستاذ يوضع الوسام على صدره وهو وسام على صدر كل مصرى  
وها هو الأستاذ يخرج من القاعة وتتوجه إليه كاميرات العالم وتسال  
سؤالاً.

الأستاذ الدكتور مصباح الزمان : ما شعورك بعد حصولك على  
الجائزة.

**مصباح  
الزمان :** أولاً أنا أهدى الجائزة إلى مصر وإلى كل مصرى ومصرية.

فى الحقيقة أنا شعورى لا يوصف.. فأنا سأشعر بالجائزة عندما تفجر  
الجامعة المصرية العلم فى شرايين كل طالب وطالبة، فالجامعات  
المصرية تحتاج إلى أن تخلق علماء، وتكون كوادر فكرية لأن ما  
يحدث الآن يخرج لنا جيوشاً من الموظفين .

" فجأة يحدث خلل فى التلفزيون " .

( تخرج المذيع )

**المذيع :** نعتذر عن هذا الخلل الفنى الذى حدث عبر الأقمار الصناعية والآن  
نقدم لكم أغنية .

" تخرج أغنية آه .. آه .. أغنية محمد فؤاد "

الفتاة

: آه عملتها يا ولاد الذين ....

( جرس الباب يدق .. تخرج الفتاة بعد سماع جرس الباب لتفتحه ) .

طيب .. طيب .. أنا جاية أهه .. ( تفتح الباب )

الأخ

: أيوة أخوكى .. كنتى فين .. أنا بضرب الجرس من بدرى .

الفتاة

: كنت فى المطبخ .. كويس إنك جيت علشان تتغدى معايا .

الأخ

: هو لسة مجاش؟

الفتاة

: هو مين؟

الأخ

: مش عارفة هو مين ؟.. أنتى بتستعبطى عليا ..؟

الفتاة

: وأستعبط عليك ليه ياخويا .. أنت بتسأل عن مين؟

الأخ

: عنه

الفتاة

: مات

الأخ

: أمتى؟

الفتاة

: إمبارح وهو بيعدى الشارع

الأخ

: وهو بيعدى الشارع هو مين؟

الفتاة

: ماهو مافيش غير الكلب

الأخ

: كلب مين

الفتاة

: كلب عمك الله يرحمه ... بينى وبينك إستريحنا منه فى الأيام الأخيرة

كان عامل دوشة ورابع الجيران كان مأذى الناس ومأذينا وعمال

يهوهو ليل ونهار وحابس الناس فى بيوتهم

- الأخ : عمك كان عمال بيحبه
- الفتاة : عمنا كان طيب .. كان فاكِر إن الكلب حيوان أمين على البيت والأولاد .. ماكانش فاكِر إنه حيكون كدة متوحش
- الأخ : عمك هو السبب فى إنه دخل الكلاب بيوتنا كلنا
- الفتاة : طول عمرك مابتحبش عمك
- الأخ : ماكانش يتحب
- الفتاة : وماكانش بيتكره .. ماعرفناش قيمته إلا لما مات
- الأخ : لكن الكلب مات إزاي؟
- الفتاة : حادثة .. بيعدى الشارع صدمته عربية بحصان
- الأخ : عربية بحصان
- الفتاة : بس حصان إيه عربى أصيل
- الأخ : عمك السبب
- الفتاة : كل حاجة تحصل تقولى عمك السبب؟
- الأخ : هو اللى ساب العربيات والحصنة تمشى فى الشوارع
- الفتاة : مش فاهمة كلامك وضح
- الأخ : هو اللى قالك إنك لازم تيجى هنا وتتعلمى .. وهو اللى قال إن الكلب لازم يعيش معاه فى البيت ده .. وهو كبير العيلة .. وهو كل حاجة .. وأهو مات .. مات وسابك وحدك مع الكلب .. ومات الكلب راخر .. والإشاعات كترت حواليكى
- الفتاة : إشاعات إيه؟! :
- الأخ : إسألى الناس :

- الفتاة : إشاعات عنى أنا؟!
- الأخ : آمال عنى أنا!
- الفتاة : بيقولوا إيه؟
- الأخ : أنتى عايزة تجنينينى
- الفتاة : ليه يا أخويا
- الأخ : مش حاسة الناس بتقول عنك إيه؟
- الفتاة : قوللى يا أخويا .. بيقولوا إيه عنى
- الأخ : بيقولوا بتروحى الجامعة كل يوم من الصبح للمسا
- الفتاة : وفيها إيه شىء طبيعى!
- الأخ : وبيقولوا إنك بترجعى متأخرة
- الفتاة : ساعات .. الأتوبيس والزحمة .. وإحنا فى الشتا والعتمة بتيجى بدرى
- الأخ : بيقولوا بتروح فىن .. دى طول النهار
- الفتاة : يا أخويا أنت متعلم وفاهم
- الأخ : ماتضحكيش عليا بكلمتين .. مش لازم محاضرات الليل . كل يوم تيجى العصر قبل المغرب وتقفلى بابك علىكى
- الفتاة : عايزة أعرف ليه كل ده بيحصل؟ .. وفيها إيه لما أتأخر فى الجامعة؟
- .. الناس بتقول إيه عنى ؟
- الأخ : الناس بتراقبك بيعيونها .. قالوا إنك بتخرجى من الصبح للمسا ..
- والبنت فى الغربية لوحدها ممكن تعمل إالى على كيفها
- الفتاة : أنا ؟.. وأنا أختك .. لحمك .. ودمك .. إيدك .. كفك .. قدمك ..
- وعنيك .. ياعينى عليك .. فاكر واحنا صغار .. الجنينة والساقية

والأشجار؟

- الأخ : ده كلام أشعار
- الفتاة : أمك أمى .. وأبوك أبويا .. دى أشعار .. بيت واحد وجدران واحدة وهم واحد وفرح واحد .. دى أشعار .. ده تاريخ طويل ضمنا
- الأخ : كلام عمك الله يرحمه
- الفتاة : كان بيقول عنك إنك حاتحمى الأرض والدار .. وتقيد القناديل وتهدى الصبايا المناديل فى أفراح العيد .. أنا - تصدق كلامهم عنى
- الأخ : ماتطلعيش من البيت بعد الغروب .. وترجعى كل يوم العصر سامعة
- الفتاة : فاكرا ياسين فاكرا المصلية .. فاكرا أدهم والقمر منور
- الأخ : ماتحاوليش تكسرى كلامى أحسن لك
- الفتاة : طيب قوم ننام يا أخويا .. والصباح رياح
- الأخ : أنا مش فاضى لك .. أبويا قالى أجى أشوفك وأقولك الكلمتين وأرجع .. ولولا إن دى كلمة عمك الله يرحمه بإنه يسبيك تخلصى الجامعة
- ماكانش خلاكى تكملى السنة دى التعليم .. أنا هاسافر دلوقتى
- الفتاة : تسافر إزاي وأنت تعبان كدة ؟
- الأخ : أنا حر حذرتك من الناس كلامهم .. وقد أعذر من أنذر
- الفتاة : برضه بتقول الناس وكلام الناس
- الأخ : أبوك والناس بيقولوا ماتخليش راسنا فى الطين
- الفتاة : أنهو طين
- الأخ : مافيش دخان من غير نار
- الفتاة : الناس إالى بتكذب .. بتكذب لأنهم لما مات عمك حبو يرفعوا الثمن

- وينتقموا منه بكلام عنى .. ويوقعوا بينى وبينك .. بكذبة بإشاعة
- الأخ : آه يا دوخة راسى يابنت أمى وأبويا .. يافانوس بينور وبيضوى فى عتمة عمرى .. الكلام صار له ريحة وأبوكى قادت فى قلبه نار طفثها وجيتك .. أوصيكى الوصية أمانة
- الفتاة : من بعد ما مات صارت الأمانة خيانة
- الأخ : أنا ما عنديش كلام أكثر من كدة
- الفتاة : برضه عايز تمشى
- الأخ : أيوة .. ( يتحرك تجاه الباب .. يخرج ويغلق الباب .. تنزل لوحة على النافذة .. ممنوع الخروج ليلاً والعودة قبل الخامسة .. تجلس الفتاة مهمومة .. ظلام .. أثناء الظلام تنزل أغنية تعبر عن الموقف )
- ( فى مقر الجامعة فى أحد الأركان )
- ( يرتدى رجل زى أستاذ الجامعة مصباح الزمان )
- (الفتاة تجلس وبجوارها مجموعة من الفتيات والفتيان فى شكل كرتون)
- مصباح الزمان : يعنى إيه طلبة وطالبات .. يعنى إيه طلاب .. يعنى إيه مهندسين بكرة وعلماء بكرة .. وفكرة التغيير يعنى قوة التنوير والتبصير يعنى أنتم الباحثين عن الحقيقة والشاهدين على الغلط إالى فىنا فمبتقوش زينا مع إنكم مننا يعنى تبقوا حلم المستقبل إالى يبقى حقيقة .. حتى لو غمينا عيونكم فتحوها وافتحوا لنا الطريق .. لما المجتمع يبقى فيه قاعدة فقيرة والقمة غنية والطبقة الوسطى تختفى يبقى المجتمع البناء فيه مش سليم لأن الطبقة الوسطى بتحمى المجتمع من أى إنهيار ..
- زى عمارة لها سطح ولها قاعدة والدورين إالى فى النص هدينهم يبقى

أى ربح أى هزة تقع العمارة .. يعنى ينهار المجتمع .. ودى مسئولية

مين .. مسئولية مين .. مسئولية مين؟

( يدخل رجل مهم فى زى محترم .. وحوله رجال غامضون )

( يفزع الطلبة يخرجون .. يضربونهم وتجري الفتاة .. يقف مصباح

الزمان أمامه )

الرجل المهم : إيه يا مصباح الزمان .. أنت عايز تحرض الولاد .. الولاد بتحب

ديسكو .. والأغانى البرتقالى وسندوتشات الهمبورجر ..

مصباح : دول ايدين بكرة .. عنين بكرة

الزمان

الرجل المهم : ده كلام شعر .. إحنا إمبارح والنهاردة وبكرة

مصباح : لا يمكن نحمل الأوطان بجيل أرانب وقرود

الزمان

الرجل المهم : أنت زودت الحدود .. احنا عايزين جيل مسالم يحب السلام مايجبش

المزايدات والحوار والكلام

مصباح : قصدك جيل أخرس .. جيل من العميان .. يبقى على الدنيا السلام

الزمان

الرجل المهم : يا مصباح الزمان .. لكل زمان رجاله ولكل دولة رجاله وأنت ماتغيرتش

ومابقتش معانا

مصباح : أنا معاكم لأنكم منى من تاريخى بس قولولى أنتم عايزين أقول للأولاد

الزمان

إيه أهدافكم

الرجل المهم : هدفنا واضح



**مصباح الزمان** : والله فاهم .. وعلشان كدة بصنع لكل جيل يحميكم .. يحمى المة يحمى النيل من القذارة ويحمى النفس بالطهارة ويبنى الإنسان ليحمى المكان الشارع والحي والبيت والكفر والتجمع والمركز والمدرية والمحافضة والعاصمة والجبال والقلعة والسد والسما والبحر وحلم عرابى ومصطفى كامل وسعد زغلول والنحاس وكل الفرسان المجهولين فى تاريخنا علشان مصرن الغالية تعيش

**الرجل المهم** : لما تخدمنا بصحيح ممكن نقول عنك إنك تصلح تبقى وزير تبقى سفير مسئول جامعة

**مصباح الزمان** : إزاي يعنى؟

**الرجل المهم** : كل ما تتعاون معانا نقدر نخدمك أكثر

**مصباح الزمان** : ما أنا بخدم بلدى أكثر

**الرجل المهم** : ما احنا بلدك شوف زميلك سمعان النعمان بقى سفير شوف صاحبك مشتاق الزمان بقى وكيل وزارة .. أنت الوحيد اللى مافهمتش وماغيرتش أفكارك

**مصباح الزمان** : طيب أغير أفكارى إزاي؟

**الرجل المهم** : اسمعنى أنت تقول كلمتين فى إطار المنهج وبس .. والشباب سيبهم .. بس سيبك من الإنشا والمقالات والشعارات وعندى لك دليل .. بص

( صورة فيديو ومصباح الزمان مع الطلبة حول مجلة الحائط )

الرجل المهم : كنت بتكتب مجلات للطلبة على الحيطان تبلى الأفكار وتقيد فى الطلبة نار .. وبص ( صورة فى الفيديو .. مصباح الزمان فى ندوة وبجواره شاعر يهتف ومطرب يغنى والطلاب تصفق )

جايب شاعر متطرف وموسيقى مخرف ومطرب منحرف وندوة ضد الإعلام والصحفى أبو الكلام إالى يرأس تحرير جريدة الجماهير . وبص كمان

(صورة للدكتور مصباح الزمان وهو يجلس مع مجموعة من الطلبة )  
الرجل المهم : دى أسرة فى الكلية .. كنت قاعد معاهم فى حديقة الرجل ودا تسجيل بصوتك ( يقدم تسجيلاً .. صوت مصباح الزمان على الشريط ) :  
: لازم نعمل مجموعة جديدة من الشباب تعيد كتابة التاريخ من تانى .. ثورة ١٩١٩ مثلاً مين اللى ظلم واللى اتظلم من القيادة الحقيقية والقيادة الرسمية

الرجل المهم : ( يوقف التسجيل ) كفاية كدة

مصباح : دى ثورة ١٩١٩ فيها إيه؟  
الزمان

الرجل المهم : ما أنت عايزهم يعيدوا كتابة ثورة ١٩١٩ وبعدين ثورة ١٩٣٦ وبعدين ثورة ١٩٤٨ وبعدين ثورة ١٩٥٢ وبعدين ثورة ١٥ مايو ١٩٧١ وبعدين ثورة إيه؟

مصباح : ياريت الشباب يقدر يغير تاريخ بلاده  
الزمان

الرجل المهم : ياريت .. وبعدين إيه حكاية البنت دى؟

( يخرج سلايدز وفيه صورة الفتاة )

مصباح : دى طالبة .. مالها

الزمان

الرجل المهم : " يضحك " مالها .. عيب عليك لما تبقى راجل كبير وناقص .. دى قد

بنتك يا أخى .. عيب .. خدوه .

( يسحبون أستاذ الجامعة )

" إظلام مع موسيقى وأغنية تعبر عن الموقف "

الفتاة : أهلاً يا ابن عمى

ابن العم : أهلاً يا بنت العم

الفتاة : بنت عمك!

ابن العم : أmaal إيه؟

الفتاة : واحنا مخطوبين!

ابن العم : وح تتجوزى فلاح

الفتاة : طبعاً وبكل فخر

ابن العم : كدابة

الفتاة : أنا كدابة

ابن العم : أيوة

الفتاة : ليه

ابن العم : إسألى نفسك ... إسألى الناس

الفتاة : ناس مين

- ابن العم : كل الناس
- الفتاة : يقولوا إيه؟
- ابن العم : يقولوا إنك مصاحبة واحدة إسمها بهية
- الفتاة : أيوة دى زميلتى فى الكلية
- ابن العم : ولها أخ إسمه يونس
- الفتاة : ماشوفتهوش
- ابن العم : شاب حلو
- الفتاة : ماشوفتهوش .. لا افكرت أنا شوفت صورته مع بهية
- ابن العم : اعترفى
- الفتاة : بإيه
- ابن العم : بإنك تعرفيه
- الفتاة : قالوا إنى أعرفه؟
- ابن العم : أيوة وبتحبيه كمان
- الفتاة : دى بهية الوحيدة اللى بتدخل البيت ده لما بتيجى تزورنى
- ابن العم : لازم تقاطعيها
- الفتاة : دى صاحبتى الوحيدة .. أنت بتغير عليا
- ابن العم : ست بتبوظ ست وراجل يبوط راجل
- الفتاة : ده أنت حلمى لما أخلص دراستى .. تفتح بيتنا .. وتعلم أولادنا ..
- نزرع الأرض
- ابن العم : المدينة أخذتك
- الفتاة : يا ابن عمى عمنا الكبير قبل ما يموت وصاك ووصانى بالأرض

- والزراعة والأولاد الجايين يكونوا متعلمين .. وأزاي تثبت الأرض بالفكرة
- ابن العم : عمنا الكبير الله يرحمه .. كان بيحلم أكثر من اللازم .. وتعليمك كان غلط .. أكبر غلط
- الفتاة : الغلط هو الغلط والصح هو الصح .. يا ابن عمى .. يا شريكى فى بكرة
- ابن العم : كان زمان كان ياما كان .. كنا نحلم فى الموالد واحنا عيال .. نحلم بالمراكب تأخذنا لشط الأمان .. وأنا راكب حصان .. وأنت عروسة المولد أخطفك فوق الحصان وأحرسك ديدبان .. كنت باحلم .. وآه لما الحلم يدبحوا السحاب .. والقرايب واللى منك .. ده انتى منى .. ليه دبحتى حلمنا البمبى وانتى جنبى آه يا بنت عمى
- الفتاة : فآكر المولد الكبير .. يوم ما كنا عند سكة الصابرين وحلفنا اليمين .. جاى دلوقت تقولى كلام الناس وبهية ويونس دى إشاعة
- ابن العم : يابت عمى .. مش عايز حد يئذيكى بكلام .. مش عايز أسمع أى همسة شر تمر من تحت عقب الباب .. المدينة هنا ناسها بيحبوا الكلام
- الفتاة : طول عمرنا بنحب الناس .. وبنعاملهم بالنية الطيبة .. طول عمرنا
- ابن العم : حسن النية فى الزمان ده جريمة .. انتهى عصر الأمان
- الفتاة : اتغيرت اتغيرت يا ابن عمى .. أنا .. أنت .. تقول الكلام ده عنى
- ابن العم : أنا مش نبى
- الفتاة : أنت غبى .. غبى
- ابن العم : ( يصفعها ) أخرسى

- الفتاة : ادبح جوايا حلم الصبايا .. ياضى أيامى اطلع من بين الشكوك فارس  
قوى لأنك منى وأنا منك .. لازم نمشى فى طريقين
- ابن العم : اعملى اللى يريحك بس لازم تعرفى انه يا أنا يا صاحبك بهية  
الفتاة : خلاص بقيت كدة القضية .. يا أنت يا بهية
- ابن العم : فات أوان الكلام يانا يا بهية ويونس  
الفتاة : أرجوك ماتخلنيش فى موقف صعب  
ابن العم : صعب صعب يانا يا بهية
- الفتاة : بهية دى بنت ماتعرفهاش .. دى بنت واعية وعاقلة وفاهمة دى بهية  
ضلى وأمنى فى المدينة الواسعة دى
- ابن العم : يا أنا يا هية  
الفتاة : طيب أدينى فرصة  
ابن العم : يا أنا يا هية
- الفتاة : لازم أفهمها وأكلمها وأفهمها .. لما باب العقل بيتقفل القلوب ما  
بيقلهاش ثمن
- ابن العم : ولما باب القلب بيتفتح والعقل بيتقفل يبقى على الدنيا السلام  
الفتاة : دى صاحبتى
- ابن العم : الزمن مافيهوش صاحب فى المصلحة  
الفتاة : أنت شايف كل حاجة بلون ثانى  
ابن العم : يا أنا يا هية
- الفتاة : لجلك أنت يا ابن عمى أضحى بالصحاب .. عمى الله يرحمه قال إنك  
أمير البلاد وعون العباد بالزراعة وا ....

ابن العم : يادى عمك إالى كان.. إحنا فى النهاردة .. أنا بافكر أسافر وأسيب

البلد

الفتاة : تسافر

ابن العم : لما تخلص الدراسة نساfer

الفتاة : والأرض

ابن العم : حاسيها لأبويا

الفتاة : أبوك ماعدش يقدر عليها .. أبوك كبر

ابن العم : أبويا حيتجنن .. قالى روح شوف إيه الحكاية لولا العيلة حالفة اليمين

لعمك إنها تسيبك تتعلمى ماكان حصل إالى حصل

الفتاة : يعنى إنتم بتصدقوا كلام الناس

ابن العم : والناس بتتكلم ليه

الفتاة : الناس عايزة تتكلم وبس .. عن أى حاجة فى أى حاجة .. وممكن

يتكلموا عنك وعنى كمان حيقولولى جاى لها راجل غريب إزاي فى

ساعة زى دى .. فى الليل عايز منها إيه .. راجل غريب . مش ابن

عمى .. وخطيبى وكاتب كتابى

ابن العم : ماتحاوليش تبعدينى عن الموضوع الأصلى

الفتاة : أنا مابعدتكش .. إزاي تصدق .. إزاي تسافر وتسيب أرضك

ابن العم : مش وقت الكلام عن السفر دلوقتى .. إحنا فى بهية وأخوها يونس

الفتاة : خلاص يا ابن عمى .. خلاص مش حا أكلمها تانى ومش حا أخليها

تزورنى

ابن العم : أحسن أنا ماشى ( يخرج وهى تنهار باكية وتخرج من الحجرة )

( تدخل لافتة كتب عليها ممنوع التحدث مع بهية )

( يدخل قطع ديكور مكتب ديكور مكتب الجامعة .. الأستاذ عصر

الزمان الفهمان )

( تقف أمامه الفتاة )

الأستاذ : يا بنتى كل وقت وله أدان .. الأفكار دى غريبة عننا .. إنتى لازم

فهمان

تذاكرى وتنتبهى للمذاكرة وتنجى وتفلىحى .. وأنا عندى مشروع سياحى

خارج الكلية .. ممكن أشوف لك شغلانة بعد الضهر تاخدى منها ميت

جنيه فى الشهر وشوية شوية يبقوا ميتين

الفتاة : شغلانة إيه دى

الأستاذ : دى شغلانة بسيطة .. تقدمى عصير سياحى وساندوتش سياحى على

فهمان

النيل فى مطعم سياحى حتقابلى سواح كتير البقشيش لوحدته فى اليوم

عشرين جنيه المهم تبترسمى للزباين وخلي بالك ممكن تعجبنى ثرى

عربى ياخدك تشتغلى عنده تبقى ليلة القدر إنفتحت لك تشتغلى عنده

مضيضة يا ظريفة

الفتاة : قصدك حاجة تانية

الأستاذ : مافيش واحدة بتعمل حاجة غصب عنها والحداقة والمفهومية تخليكى

فهمان

بنت ثرية .. الدنيا غريبة عارفة يعنى إيه غربة ما أنت صعيدية وبنت

ذكية وفاهمة التلميح والقرع

الفتاة : دا أنت يا أستاذ مفروض ..



الأستاذ : أوعك تغطى يا شاطرة فى الكلام .. أنا بقول عليكى ذكية وشايفك  
فهمان مبهورة مأسورة فى مثلك مصباح الزمان .. وأنا الأستاذ عصر الزمان  
الفهمان الشهير بالفهمان يفتح لك السكك والبيبان لأنى حاسس إنك  
مش فاهمة الدنيا والعصر والمكان

الفتاة : والأبحاث  
الأستاذ : أنا باعرف سفارات وهيئات أجنبية بنجمع معلومات لعمل أبحاث علمية  
فهمان مؤسسة أنا موافق إنك تشتغلى فى أبحاث الدولة  
الفتاة : دى خيانة بيع المعلومات والتجسس

الأستاذ : خيانة وتجسس إيه يا بنتى دول عندهم أقمار صناعية يعرفوا إنتى  
فهمان لابسة شراب فى الجزمة ولا .. لأ ( يضحك ) بلاش تشتغلى فى كازينو  
سياحى ولا فى الأبحاث .. تحبى تشتغلى فى الكلية

الفتاة : فى الكلية  
الأستاذ : عايزين ملخص جلسات أستاذك مصباح الزمان  
فهمان  
الفتاة : مش فاهمة

الأستاذ : ما تتخضيش قوى كدة .. إحنا بنسجل كلامه كله معاكم بالصوت  
فهمان والصورة .. بس ساعات بيبقى ليه كلام تانى معاكى

الفتاة : معايا أنا بالذات  
الأستاذ : ماتفهمنيش غلط .. أنا عارف إنك زى بنته وإن شغلاه القضية .. قضية  
فهمان بناء الإنسان والأرض والحفاظ على الحضارة .. وأعرف إنه باس مراته

لامواخذة مرتين يوم جوازه ويوم ثورة ١٩٥٢ .. وإنه بكى مرتين يوم  
نكسة ١٩٦٧ ويوم مامات عبد الناصر وإنه يحلم كل خطوة بالتغيير  
.. يحلم فى الشارع بإنه يلقي كل حاجة صح . بس النوع ده من  
الناس نكدى فى حياتنا .. مستفز لينا كلنا .. عايز إيه .. يبقى إيه ..  
فأكرة إيه .. دا إحنا كل حاجة فى البلد دى

الفتاة : إنتوا مين ؟  
الأستاذ : إسمعى أنا هابعتك لزميلى الأستاذ أبو الكلام صحفى كبير فى جريدة  
فهمان الجماهير هایشغلك صحفية .. واللا أقولك دا أبو الكلام هنا عنده  
محاضرة عندنا ( تنزل لافتة ممنوع التحدث مع بهية " تنزل أغنية  
غاب القمر يا بن عمى.. جرس الباب ، تعيد الإضاءة بينما تخرج  
الفتاة ، لتفتح الباب )

الفتاة : أهلاً يا باباً  
الأب : أهلاً بيكى يا ضى العين  
الفتاة : شرفت يا أبويا  
الأب : الله يشرف مقدارك يا بنتى  
الفتاة : كنت عايزة أجيلك  
الأب : وأدينى جتلك  
الفتاة : أخويا وابن عمى شفت عملوا إيه  
الأب : قالوا لى كل حاجة  
الفتاة : وأنت رأيك إيه فى الكلام ده  
الأب : إنتى إالى إيه رأيك

- الفتاة : إنت معاهم واللا معايا يا بابا
- الأب : أنا مع الحق يا بنتى
- الفتاة : يعنى إيه الحق إالى عندك يابا
- الأب : بلاش تتكلمى فى الموضوع دا أحسن
- الفتاة : ليه
- الأب : من غير ليه
- الفتاة : يعنى إنت مصدقهم
- الأب : حضرى لى الغدا
- الفتاة : يابا ممكن نتفاهم
- الأب : حضرى لى شوية مية سخنة بملح أحط فيها رجلية أحسن رجلية وجعانى من المشوار
- الفتاة : ومشوارى أنا
- الأب : طالعة زى أمك .. دماغك ناشفة
- الفتاة : طيب قولى فهمنى عشان أرتاح
- الأب : أمك بعنالك فرختين عشان ترمى عضمك بيهم
- الفتاة : وجبتهم لحد هنا .. شايلهم بنفسك
- الأب : أمك قعدت تعيط وتقولى شيلهم .. صعبت عليا
- الفتاة : خلاص هاأقوم أحضر لك الغدا بسرعة
- الأب : بسرعة ( تخرج .. جرس الهاتف .. يرفع الأب سماعة الهاتف )
- صوت : ألو
- الأب : مين أنت مين؟

- صوت : أنا الدكتور مصباح الزمان
- الأب : وبتكلم هنا ليه .. إنت عايز إيه .. راجل قليل الأدب
- ( يضع السماعة )
- الفتاة : (تدخل وهى تحمل صينية عليها كوب شاي )
- الأب : الشاي يا بابا على ما أحضر الغدا
- الفتاة : قلة أدب
- الأب : فى إيه
- الفتاة : واحد قليل الأدب عمال يعاكس
- الأب : ياه خد من ده كتير
- الفتاة : أقول مين يقولى الدكتور مصباح الزمان
- الأب : الدكتور مصباح الزمان ( تجرى على الهاتف فيمسك الأب السماعة من يدها )
- الأب : هاتعملى إيه
- الفتاة : لازم أتصل بيه
- الأب : أنتى تعرفيه
- الفتاة : ده الدكتور بتاعى فى الكلية
- الأب : ويكلمك فى البيت ليه
- الفتاة : ده أستاذ عظيم يا أبا .. له الفضل فى تغيير الثقافة والفكر والحضارة
- الأب : ده راجل .
- الفتاة : يا بابا دا الدكتور مصباح الزمان .. إالى أبوه كان فى الحزب القديم ..

ده إلى إتجرأ وباح بالسر للشعب فى الجريدة .. إلى كنت بتحب أبوه

وتحكى لى عنه

الأب : ياه هو دا ابنه

الفتاة : أيوة .. ويا ما إتسجن .. ويا ما هز الدنيا هز .. كان ضمير الناس ..

أمك كان نفسها أخوكى يكون زيه

الفتاة : وعمى راخر كان نفسه يكون أخويا غيره

الأب : يا بنتى صارحينى

الفتاة : أصارحك بأيه يا بابا

الأب : الدكتور بيبحك بتحبينه قوليلى .. يا بنتى وأنا موافق تتجوزيه

الفتاة : يا بابا دا كلام

الأب : آمال إيه الكلام .. فهمينى يا بنتى .. الكلام كتير وأمك دموعها سالت

بحور وعنيها بقت زى كاسات الدم .. وإذا كان الدكتور مصباح الزمان

راجل زى أبوه تمام أنا موافق يتجوزك فى الحال

الفتاة : يا بابا الدكتور مصباح راجل كبير

الأب : ما عنديش مانع .. أكبر بكام سنة مش مهم

الفتاة : يا بابا مصباح الزمان عمره ما حب إلا قضيته .. يا بابا

الأب : يا بنتى إسمعينى ( جرس الهاتف .. الأب يرد )

صوت : ألو إنت أبوها

الأب : أيوة نعم

الصوت : بنتك على علاقة بالدكتور مصباح الزمان

الأب : إزاي

- الصوت : كل يوم يكلمها فى التليفون .. مرة .. اثنين . ثلاثة
- الأب : وأنت مالك
- الصوت : دا راجل فاسد .. أفكاره مسممة .. إقرأ إالى بيقولوا عنه جريدة الأسرار .  
الصحفى أبو الأفكار حاتعرف .. إن مصباح الزمان نصاب ودجال  
وبيضحك على عقل الصبيان والبنات من تلاميذه فى الجامعة  
وبيدعوهم للإنحلال
- الأب : إزاي
- الصوت : إسأل بنتك وهى تقولك إزاي
- الأب : معقول الكلام ده .. طب إشرحى ( يسمع صوت إغلاق السماعة ) ألو .. ألو
- الفتاة : مين
- الأب : ( يضع السماعة ) واحد
- الفتاة : عايز إيه
- الأب : عايزنى
- الفتاة : وإيه عرفه إنك هنا
- الأب : مش مهم .. مصباح الزمان ده بيقولوا إنه راجل كويس
- الفتاة : جداً
- الأب : أmaal جريدة الأسرار والصحفى أبو الأفكار بيقولوا عنه كلام مش  
مضبوط ليه
- الفتاة : دا صحفى مأجور وسىء السمعة وكذاب .. الحق دائماً مش مسموع  
.. بيتوه فى زحمة الكذب .. إنت نفسك قايل كدة

- الأب : لكن دول بيتكلموا عن أخلاقه
- الفتاة : ما تنساش إن فى جهاز للإشاعات والتلفيق والتزوير
- الأب : أنا مش عايزك تحضرى للراجل ده محاضرات .. ولا يكلمك فى التليفون
- الفتاة : ليه يا بابا
- الأب : يا بنتى الباب إالى يجى لك منه الريح سده وإستريح
- الفتاة : هو بيقول .. الريح لو جالك على .. إعلاله ما تطاطيش
- الأب : هو مين
- الفتاة : مصباح الزمان
- الأب : تانى
- الفتاة : وتالت
- الأب : التليفون ده كمان بلاش .. وبلاش محاضرات .. فضيها سيرة يا بنتى
- الفتاة : يا بابا ده أستاذ بيعلمنا الأشياء الجميلة .. عارف كتبه فى الجامعة
- ثمها كام .. اتنين جنيه للكتاب .. ماحليتهوش غير بدلتين .. واحدة للصيف والثانية فى الشتاء .. عارف ساكن فى .. فى حارة صغيرة .. عارف إنهم عرضوا عليه الوزارة مرتين ورفضها .. إعتذر
- الأب : ( يحدث نفسه ) أبوه الله يرحمه كان كدة كان يهز الدنيا هز .. كانت الناس تجرى على الجرائين تشوف كاتب إيه
- الفتاة : الدكتور مصباح الزمان فوق الشبهات
- الأب : ما عنديش صبر على كلام الناس
- الفتاة : ليه يا أبا إنهزمت وسمعت كلام الناس

- الأب : يا بنتى أنا كبرت
- الفتاة : يعنى بقيت أكبر من الزمان
- الأب : الزمان مالهوش كبير يا بنتى
- الفتاة : انت أقوى من الزمان ..
- الأب : دا كلامنا هو الرباية .. كان يقول إن أبو زيد أقوى من الزمان ..
- الفتاة : ده كلامك ليا وده إالى عايشة بيه
- الأب : أنا ضعفت يا بنتى وماعدتش حمل كلام .. كنت فاكرا لما أكبر هاسألونى الكبار والصغار .. لقيت إنه فى الزمان ده كل واحد وله صوت وله مسافة وله طريق لوحده .. يعيش لوحده .. ويمر لوحده فيه .. ده زمن غريب .. وأنا خايف علىكى
- الفتاة : فاكرا جارتنا أم صابرين
- الأب : فاكرا ... لما جوزها مات وساب لها العيال صغيرين .. طلعت من الدار بعد ما كانت ست الدار .. واضحة الإخضرار ... خرجت للغيطان فى الشغل عند فلان وعلان شقيت تعبت .. داخت . وقعت .. قامت .. دامت فى الدوامة .. ولما شافها الملاحين قالوا عنها بتروح فين ... وبتيجى منين .. لحد ما خدت الولاد وسابت البلاد ومشيت ..
- الفتاة : يعنى أنت عارف يا أبا .. لا إالى جوه مستريح .. ولا إالى بره مستريح .. لا إالى جوه ولا إالى بره البلاد سايبينه فى حاله
- الأب : بتحاولى توصلينى لإيه؟
- الفتاة : إالى حصل للبلاد للعباد .. إالى هرب من قسوة اللسان ولأى مكان .. وإالى وأنا هنا كنت مع عمى .. جاى أخذ الشهادة وأرجع وأعمل إالى



لازم عليا وإللى على كل واحد يعمل .. الواحد يعمل .. الواحد منا

بيعمل علشان يفيد

الأب

: ده كلام عمك

الفتاة

: الله يرحمه ( تنظر إلى صورته المعلقة ) شايف يا أبا .. الله يرحمه ..

كان طيب ..

الأب

: أول مامات بكت كل العيلة عليه .. تانى سنة شالوا صورته من على

الحيطان .. فضلت صورته فى بيته معلقة .. فى بيته هنا بس ..

معلقة ..

الفتاة

: وفضلت معلقة فى قلبى .. ساعات أقف أكلها وأحس إنها بتكلمنى ..

أحس بجارتى العجوزة واقفة بتتصنت على الباب .. أفتح .. تضحك

وتقولى سامحيني يا بنتى .. ما عندكيش كبريت أولع البوتاجاز أحسن

الكبيرت خلص من عندى ..

الأب

: أنا مش جاى أسمع حكايات جيرانك .. أنا جاى أوقف الفضيحة

وصوتها ..

الفتاة

: أنهى فضيحة

الأب

: فضيحة الليلة

الفتاة

: كل واحد لينا له فضيحة سابقة .. أو فضيحة جوه .. وإللى مالوش

فضيحة تعمله الناس فضيحة ..

الأب

: بس أنا سمعت بودنى

الفتاة

: سمعت إيه

الأب

: مصباح .. الزمان .. الأستاذ بتاع الجامعة .. يكلمك فيه فى التليفون

- الفتاة : باساعده فى البحث عن المراجع
- الأب : واشمعنى أنتى إالى اختارك
- الفتاة : مش أنا إالى وحدى .. أنا ومعايا اثنين وخمسين شاب وبننت
- الأب : ليه هو عايز يعمل إيه؟
- الفتاة : بيكتب لينا تاريخ تانى .. بيقول إنه معظمه مكتوب غلط
- الأب : وهو ماله ومال التاريخ
- الفتاة : بيقول لنا بقى طبيخ .. حنطلع أجيال مشوهة فى الأفكار والرأى
- الأب : مش فاهم
- الفتاة : يا أبا إحنا مش بنساعده .. فى الحقيقة إحنا بنساعده نفسنا علشان نفهم
- الأب : عمك قال المشوار صعب
- الفتاة : وأنت كنت دايماً تخالفه
- الأب : كان بيحلم .. وحلمه كان أكبر منا كلنا ..
- الفتاة : دكتور مصباح الزمان بيقول إنه غير العالم إالى حواليه ( جرس الهاتف ... الأب يرد )
- الأب : ألو .. ألو . إتكلم .. مين أنت .. بنى آدم ولا بنى شر .. إتكلم عايز مين إتكلم يابنى ( صوت ضحكة وإغلاق الهاتف ) منك لله تعبنتى يابنى
- الفتاة : ماتاخدش فى بالك .. حاجات من دى كتير بتحصل يا أبه .. فى ناس فاضية كتير ..
- الأب : التليفون لازم يتقطع .. مع إنه ضرورى

- الفتاة : صح بس لازم يتقطع
- الأب : ح أسيبك أنا وأقوم أسافر قبل ماتضلم والطريق يبقى صعب
- الفتاة : تخليكى الليلة دى معايا .. بات هنا .. تحكى لى وأحكىك
- الأب : أمك قلقانة عليكى ولازم أسافر أطمئنها
- الفتاة : طمنها يا أبا
- الأب : أوعدينى يا بنتى
- الفتاة : بيايه؟
- الأب : مالكىش دعوة بالدكتور ده .. ولا بأى راجل فى الجامعة ..
- الفتاة : يا أبا دا مستحيل
- الأب : هو إيه إالى مستحيل؟
- الفتاة : إزاي بس تقول الكلام ده!.. إنت فاهم دول أساتذتى وزملائى وجيرانى..
- الأب : صباح الخير يا جارى .. انت فى حالك وانا فى حالى .. فهمانى ..
- الفتاة : حاضر يا أبا فهماك
- الأب : فوتك بعافية ..
- الفتاة : يا أبا خليك للصباح .. والصباح رباح
- الأب : يا بنتى أمك تعبانة ومستنيانى على نار ..
- الفتاة : سلم لى على أمى .. قولها إنى مستنية الصيف علشان أجيلها
- الأب : سلامه عليكم
- الفتاة : مع السلامة ( تخرج بينما الظلام يحدث وتنزل خلاله أغنية قولوا لعين الشمس )

( يتحول الديكور لمكتب الصحفي الكبير أبو الكلام )

( ويمثل شخصيته الأستاذ فهمان ) ويرتدى نظارة ومعه قلم كبير

الصحفي أبو : أهلاً أهلاً .. أزيك يا نابغة الجامعة وفريدة زمانك  
الكلام

الفتاة : أهلاً يا أستاذ

الصحفي أبو : سمعت عنك كلام غريب .. خلاني مشتاق أشوفك  
الكلام

الفتاة : متشكرة

الصحفي أبو : أكيد بتقرى لى  
الكلام

الفتاة : ساعات

الصحفي أبو : ليه  
الكلام

الفتاة : بصراحة

الصحفي أبو : أنا ما أحبش غير الصراحة  
الكلام

الفتاة : أنت فنيك عمرك مع الملك كنت قلمه .. مع الثورة كنت قلمها .. مع

كل رئيس كنت قلمه مع الشرق كنت شرقى مع الغرب كنت غربى ..

وقلمك هو هو والحبر بيتغير مرة أحمر مرة أخضر مرة أصفر .. مرة

من دم الغلبة مرة بتبيع الغلبة مرة مع العبيد مرة مع السادة مرة

مؤمن مرة كافر .. بس قولى أنت مين؟!

الصحفى أبو : ح أريحك وأشرحك ببساطة ( يفتح دولا ب يخرج مجموعة أقنعة )  
الكلام

ببساطة إزاي تحط على وشك قناع .. شوفى ( يرتدى قناع ) دا ملكنا  
يا جماله هل من التاريخ هلاله من بيت للأشراف من نسب الشجرة  
المباركة ( يخلع القناع ) بص .. هوب شوف .. التاريخ اتغير اهو  
( يرتدى قناع آخر ) الملك دا كان فاسد والثورة هى الحقيقة والشعب  
هو الشعب .. أدى صورة مع البنات الفاجرات العاهرات وإحنا ضد  
الإستعمار والإقطاع والإستغلال ( يخلع القناع ) فتحي عنكى تاكلى  
ملبن بص شوفى ( يرتدى قناع ) الزعيم دا أصله عربى أصله فارس  
أبو الهمم .. أبو النضال .. ( يخلع القناع ) هوب بص شوف العجايب  
( يرتدى قناع ) الزعيم دا أصله ندل أبو الندم .. أبو الكلام كل لحظة  
كل لحظة .. ( يخلع القناع ) كل لفظة .. كل همسة .. كل لمسة كل  
ثانية لها قناع .. لها قلم .. لها حبر .. لها كلام .. والصحافة هى أنا  
فى الصباح أطلع من الشمس أربط دماغ ميتين مليون وأدور بيهم  
دور وأقدر أخليهم يصدقوا الشمس بتغرب من الشرق وتشرق من  
الغرب . أصل الصحافة السياسية يا صبية إتخلقت للى زيي، ابن كل  
زمن وابن كل عصر وإللى عند أستاذك التعبان الكحيان مصباح الزمان  
يقول عليا دا ابن كلب .. أصلى عارفة .. أصلى فاهمة دا فاشل حاقد  
على إللى زيي وإللى زيي ياما ياما .. بس إللى ما جات له فرصة  
يبقى قاعد على القهاوى يسب فىا شوفتى قد إيه أنا مظلوم وحاقدين  
عليا .. تشتغلى معايا

الفتاة : لأ .. لأ .. ممكن أسأل حضرتك سؤال

الصحفى أبو : اتفضللى  
الكلام

الفتاة : إيه رأيك فى الأستاذ مصباح الزمان

الصحفى أبو : عارفه .. عارفه دا راجل شديد راجل عنيد فاكِر إن مصر دى هى أمه  
الكلام وللا أبوه .. فاكِر نفسه زعيم وللا النديم وللا الوزير راجل غريب، البلد

دى طول عمرها إالى خانها كسب وإلى باعها كسب .. وإلى زيه ماتوا  
وهم عايشين .. النديم ما ت غريب .. بيرم اتنفى عشرين سنة وإلى  
ضحى زى محمد فريد طلع من المولد بلا حمص ماخدش حقه من  
التاريخ .. ولا حتى لاقى فى آخر أيامه طبق طبخ .. الراجل دا  
ما فهمش، إالى كانوا زيه على مر العصور يا إما إتسجنوا يا إما دخلوا  
مستشفى أمراض عقلية .. القضية يا صبية إن مفيش قضية .. إنتى  
عايزة ليه تحكمى على نفسك بالضياح وتنكدى حياتك بالقضية الراجل  
دا مصباح الزمان لو عاقل كان هاجر زى إالى هاجروا، العقول إالى  
زيه بره يفرحوا بيها يوظفوها فى مراكز البحوث بمرتبات كبيرة

الفتاة : ( مقاطعة ) مراكز التجسس قصد حضرتك

الصحفى أبو : التجسس فى الزمان دا مش خيانة .. التجسس فى الزمان دا اسمه  
الكلام شطارة اسمه مفهومية اسمه جمعيات دولية للسلام والأمان اسمه

مراكز بحوث وفلوس للمحتاجين اسمه المعونة والإعانة للشعوب  
الغلبانة

الفتاة : حضرتك عايزنى فى إيه؟

**الصحفى أبو** : عايزك تكتبى مقالات عن القتيات الفاتنات فى الجامعة ، عن الموضة  
**الكلام**

عن الأزياء عن ما يعجب البنات فى الصبيان وعن ما يعجب الصبيان  
فى البنات عن الشقاوات عن الأمنيات عن الحاجات اللطيفة عايزك  
تبقى صحفية فى جريدة الجماهير وده حلم كبير .. و على فكرة  
الدكتور أخويا عصر الزمان قالى عنك إنك ظريفة

**الفتاة** : أنا ماليش حلم فى الصحافة ولا أكتب عن الصحافة ولا ليا فى الظرافة  
ولا حتى فى اللطافة .. أنا متشكرة جداً جداً ياأستاذ أبو الكلام متشكرة  
بصحيح .. متشكرة قوى

**أبو الكلام** : متشكرة على إيه يابنتى .. أنا سعيد أنك اقتنعتى بأفكارى حتى ان ما  
اشتغلتيش معايا تبقى فهمتى

**الفتاة** : أنا بس عرفت ليه دلوقت فيه أمية ثقافية فى الجامعة ليه ولاد كتير  
مايعرفوش طلعت حرب ولا سيد قطب ولا حافظ إبراهيم ولا لويس عوض  
ولا محمود شاكر .. ولا مين إالى بنى مصر .. عن اذنك .. بس قبل  
ما أمشى أحب أقولك مع دا فيه ولاد فى الجامعة زى النديم وبيرم  
التونسى وزى فاروق الباز وزى عبد الناصر ويمكن أكثر .. عن اذنك

**أبو الكلام** : انتى يا بنت انت ( تخرج ) مجنونة .. أنا نسيت أسألها اسمها إيه  
( اظلام )

( فى مكتب مصباح الزمان تجلس الفتاة وأمامها مصباح الزمان )

**مصباح  
الزمان** : إيه يا بنتى .. غايبة بقالك تلت محاضرات

**الفتاة** : أصلى كنت تعبانة يا دكتور

مصباح

: فين بحوثك يا كسلانة

الزمان

الفتاة

: ماقدرتش يا دكتور .. ماقدرتش كنت تعبانة .. ممكن أسأل حضرتك

سؤال إيه فائدة البحوث لما تترمي فى الأدراج واللا على الرفوف واللا

تتسجن فى كتاب ضرير مايتقراش ٠٠ إيه فائدة القصيدة والجريدة ..

والعلم والحلم لحظة انهيار وطن

مصباح

: الكلام دا يأس ماحبهوش .. ماعلمتهوش لكم .. ماعرفتهوش فى

الزمان

حياتى انت أكيد قابلتى الدكتور عصر الزمان .. عارف انك قابلتيه

وعارف إالى ماتعرفهوش عنه .. دا أخوه الصحفى أبو الكلام وابن

عمه سابق أوانه المحافظ إالى باع بعض الآثار والأسرار وهرب مليار

دولار وحفظهم فى خزانة سويسرا فى رقم سرى .. يبقى جده الكبير

إلى خان اخناتون ويبقى عمه إالى خان عرابى

الفتاة

: تفتكر إيه معنى الوطن لما يبقى الإنسان مالهوش تمن

مصباح

: جدك الكبير أحمس عارفاه .. اضحكى آمال .. لما مات شالوا تاريخه

الزمان

من على المعابد ومسحوا سيرته .. وفجأة بعد أربع آلاف سنة لقوا

بردية فى مقبرة تلميذ فرعونى مكتوب فيها دوره إالى أداه .. ومع كدة

لما تمشى على كوبرى عباس ابقى بصى تحت الكوبرى تلقى دم

الشهداء إالى ماتوا عليه طرح مدارس ومستشفيات وعمارات وقهاوى

وغناوى على ضفافة .. مفيش حد بيحب بلده يستنى الثمن وإلى

خانوا ياما وإلى باعوا ياما

الفتاة

: يا دكتور فيه كلام رخيص حواليك



مصباح  
الزمان : ( مقاطعاً ) مش عايزك تقوليلي قالوا إيه عنى وبيقولوا .. بس عايزك  
تعرفى لما رجع أحمد عرابى من المنفى بعد عشرين سنة قعد على  
قهوة فى الشرقية دخل شاب كان بيسمع كلام غلط عنه قام شتم عرابى  
وهانه .. تفتكرى لما بكى عرابى ولما ...

الفتاة : ( مقاطعاً ) انت ليه مصمم تفضل هنا ليه ماتسافرش ما تهاجرش

مصباح : أنا مهاجر يا بنتى جوه الوطن مهاجر فى المستقبل معاكم

الزمان

الفتاة : يا دكتور كل خطوة فيها شر حواليك .. لازم تفكر زيه

مصباح : زى مين .. مالك جرى لك إيه .. هزوكى .. لما كل يوم بتركبى

الزمان : الأتوبيس مش بتشوفى الولاد رايعين المدارس دول إالى حيرسموا

الشوارع من تانى بأسماء الشهداء والشرفاء ويعملوا فى كل جنينة  
وحيزروا على كل نجيلة علم عليه صورة بكرة

الفتاة : أرجوك يا دكتور ماتحلمش .. أنت زى والدى .. أرجوك إهرب سافر ..

غادر الزمان والمكان

مصباح : الوطن إنسان مش مكان ولا زمان .. الناس دول ناس وأنا قد كل دا .

الزمان : التاريخ ياما ناس منه بتقع وتقف تانى .. اسمعى عايزك تعملى بحث

عن مصر المملوكية أو عن صلاح الدين لما حلم بمصر وللا عن حلم  
( جرس المحاضرة )

الفتاة : جرس المحاضرة ضرب .. عن اذنك يا أستاذ . ( عند سور الجامعة ..

تسير الفتاة .. تجد أخاها متنكراً فى ملابس مدنية يراقبها عند محطة  
الأتوبيس .. تقترب منه )

- الفتاة : إيه ياخويا ابن أمى وأبويا جاى تراقبنى
- الأخ : بقولك إيه .. ماتعملش الحركات دى عليا
- الفتاة : مش مكسوف من عمايلك ديا
- الأخ : مين فينا إالى ينكسف
- الفتاة : إالى يعمل عمايلك
- الأخ : انتى عرضى لحمى .. دى .. من حقى أشوف بتعملى إيه
- الفتاة : كنت واقف مستنى إيه تشوفنى
- الأخ : الناس قالوا لابوكى إنك كل يوم بتخرجى مع الأستاذ مصباح الزمان فى عربيته .. وساعات بتروحى بيته وساعات بيروح معاكى البيت
- الفتاة : وانت شفت إيه
- الأخ : شفتك لوحدك
- الفتاة : وبقي لك كام يوم على الحالة دى ؟
- الأخ : تلت تيام
- الفتاة : شفت إيه فى التلت تيام
- الأخ : ماشفتش إالى شافوه ولا عرفت إالى عرفوه و هارجع ايد ورا ايد قدام .. لا عارف ولا فاهم حاجة
- الفتاة : ندمان إنى شريفة
- الأخ : لا يا أختى فرحان
- الفتاة : أمال إيه
- الأخ : سامحيني الإشاعة بتبقى أقوى من الحقيقة والكذب له ألف يد وألف لسان .. والحقيقة دايماً مع إنها قوية تبقى مختفية مع انها ظاهرة بس

مغطيها التراب

الفتاة : ياللا بينا على بيتنا

الأخ : لا..

الفتاة : ليه

الأخ : لازم أسافر الليلة لأبوكى وابن عمك

الفتاة : طيب تعالى وأبقى سافر من عندى

الأخ : أصل الحكاية ببساطة .. لا شفتك ولا شفتينى ولا حاقول لأبوكى انك

شفتينى ولا شفتك هأقدم تقرير

الفتاة : عن اذنك أركب تاكسى وأروح

( تتركه وتمشى )

( ينقل المشهد إلى كافتريا الجامعة )

الطالب الفاسد : تسمحى لى اتكلم معاكى فى موضوع حساس شوية

الفتاة : اتفضل

الطالب الفاسد : بصراحة أنا بقالى مدة مراقب طلوعك وخروجك .. مشيك .. كلامك ..

حوارك أفكارك

الفتاة : الله .. الله وليه كل دا

الطالب الفاسد : ما هو أنا زميلك فى الجامعة .. دراسات عليا

الفتاة : أهلاً وسهلاً

الطالب الفاسد : أنا بصراحة وبدون فصاحة عايز أطلب ايدك

الفتاة : " تضحك " أسفة أصل أنا مخطوبة

الطالب الفاسد : عارف .. دا جواز مش متكافىء .. واحدة زيك فاهمة وعارفة ومستنيرة

ودخلت فى أحضان المدينة مش معقول تربط مستقبلها بشباب فلاح  
الفتاة : بتقول فلاح .. ما هو أنا فلاحه .. وأحنا كلنا فلاحين . مصر كلها  
وأصلها فلاحين .

الطالب الفاسد : مش قصدى الفلاحين وحشين

الفتاة : تقصد إيه

الطالب الفاسد : قصدى هو أُمى

الفتاة : دا معاه ، شهادة ومتعلم

الطالب الفاسد : أُمى ثقافة .. مش مثقف يعنى .. وانتى ...

الفتاة : ( مقاطعة ) دا ابن عمى .. من دُمى ولحمى وكان لحمى وكنت لحمه

الطالب الفاسد : هنا القاهرة .. هنا العاصمة .. هنا التليفزيون والعربيات والحركة  
الثقافية والخدمات المتطورة

الفتاة : فى بلدنا فى كفرنا الناس سافرت لليبيا والعراق والسعودية والكويت وأبو

ظبى جابوا الفيديو والثلاجة قبل ماتدخل الكهريا .. فى كفرنا الناس  
لغيت الحمير وركبت عربيات نقل وغسالات بالكهرباء .. أنت فاكِر كل  
حاجة زى ما كانت زمان

الطالب الفاسد : ما هو دا كويس بس القرية قرية والمدينة مدينة وأنت هنا تتقدرى  
وتتغندرى وأقدر أخليكى أسعد إنسانة

الفتاة : متشكرة قوى بس الحكاية مش كدة

الطالب الفاسد : آمال إيه ؟ أنا معجب ببيكى من زمان

الفتاة : تفكر إيه يخلينى أسيب ابن عمى وأخذك .. شقة على النيل .. مش

حلمى .. عربية مرسيدس مش حلمى .. بيت صغير جنب غيط أبويا

يبقى تمام

الطالب الفاسد : كل واحدة تحلم بالقاهرة وأنا بقى أقولك على حلمى مشاهدة أوربا ..

أصل وضعى غير كل القاهريين .. أنا من عيلة ثرية .. لها سلطات

ولها نفوذ .. عيلة من إالى متشعبة ومتوغلة .. تتوغل تتوغل فى كل

الوزارات والهيئات .. يعنى تلقى نفسك بتكسرى إشارات المرور

وتتجاوزى العلامات

الفتاة : تفكر كل دى إغراءات

الطالب الفاسد : دى مش إغراءات دى مقدمات لما هو آت .. حفلة خلوية فى الهيلتون

.. الزفاف فى الشيرتون .. مطرب الشعب الأول أبو الصاجات ومطرب

الكاسيت قفشات فى الفرح ومهر

الفتاة : عندك انت .. أنا مش موافقة .. عن اذنك عندى محاضرة لأستاذى

دكتور مصباح الزمان

الطالب الفاسد : دا راجل شيوعى

الفتاة : دا بيصلى الوقت بوقته .. ثم ماحدش قالك إن الشيوعية انتهت من

العالم والدنيا اتغيرت واللعبة دى خلصت من زمان

الطالب الفاسد : يبقى راجل متطرف

الفتاة : متطرف فى حب بلاده وأنت دسياسة يا زميل .. بس الوقت فات ..

عن اذنك عندى محاضرة للدكتور مصباح الزمان

( تخرج وتتركه )

( ظلام على المسرح .. جرس الباب .. تعود الإضاءة )

( تتجه الفتاة لتفتح الباب يدخل الرجل بزي ابن العم )

الفتاة : ابن عمى

ابن العم : ازيك يا بنت عمى

الفتاة : خير

ابن العم : خير

الفتاة : رجعت بدرى . داحنا لسة وش الصبح

ابن العم : جيت أقولك .. أنا كنت غلطان فى إالى دار بينا من كلام

الفتاة : وإيه إالى حصل عشان تغير رأيك ؟

ابن العم : شفت عمك فى المنام .. شفته جاى راكب حصان .. وماسك فى يده

راية خضرا وسيف .. وقاللى فز قوم .. ساعة العمل جت كسلان فوق

لروحك .. شرح جامد ح يجرى جوا جدران البيوت .. وانت داير جوة

شبكة الظنون بنت عمك الشريفة العفيفة ..

قلت له .. يا عم .. هات همك على همى .. أعمل إيه ! والطوفان

جاى لا محالة ! ؟ أعمل إيه .. وسيل الإهانات انفتح ؟ !

أعمل إيه .. والمبادئ والقيم والنظافة .. كل ده أصبح تاريخ !

ماقدرش أصحى البيوت م الشرخ يا عمى ! ماقدرش أحمى نفسى ولا

أهلى م الطوفان يا عمى !!

قاللى خد بنت عمك على حصان وعاود الأرض قبل فوات الأوان ..

وأوعك تهرب خارج البلاد !

الطوفان جاى لا محالة .. هنا وهناك .. فوق لروحك .. أحمى نفسك  
بالمبادئ والقيم .. غطى بنت عمك م الظنون .. قلت له ادينى الراية  
.. قالى طهر عقلك وقلبك م الظنون هو ده زين السيف والراية ..  
وسابنى .. فزيت وجيت .. دقيت عليك الباب . وقلت يا بنت عمى ..  
تعالى نعيد تانى الحساب .. والحب !!

والأحباب .. يتصافوا دوماً وقت التعاب !!

الفتاة : يعنى قلبك ارتاح .. لما شفت عمك فى المنام راكب حصان وشايل  
الراية وهو حى كنت بتقول عليه ديكتاتور ظالم .. دلوقت حاسس بيه !  
ابن العم : كنت مش فاهم .. لما شفت إالى حصل .. عرفت قيمته  
الفتاة : عرفت متأخر

ابن العم : يلا بينا يا بنت عمى .. لازم نسافر ونسيب المدينة .. والناس إالى  
مبتنساش

الفتاة : ما أقدرش

ابن العم : ليه

الفتاة : عايزة أعرف .. أنت ليه مادفعتش عنى يوم ما قالوا الكلام

ابن العم : ما هم لحد دلوقتى بيتكلموا

الفتاة : ياه .. وجاى تعتذر وأنت لسة سامع كلامهم

ابن العم : أيوة

الفتاة : ليه

ابن العم : ما قلت لك أنا حلمت يابنت عمى وكفانى اعتذار

- الفتاة : لو اعتذرت بطول البلاد .. ماتمحي إلى جرى إلى صار
- ابن العم : أنا معذور
- الفتاة : معذور ليه
- ابن العم : من إلى سمعته
- الفتاة : رميت الدبلة في وش أبويا وأخويا وأمي .. وسبت لهم البيت زعلان
- ابن العم : أي حد في مكاني لازم يعمل كدة
- الفتاة : ياسلام
- ابن العم : جالوا إنك تعرفي فلان وفلان وفلان
- الفتاة : وبعدين
- ابن العم : وجالوا كمان إنك .. خلفتي ولد في الحرام
- الفتاة : أنا
- ابن العم : أيوة
- الفتاة : وأنت صدقت
- ابن العم : أهو ده إلى سمعته
- الفتاة : تبقى جاي تدور على الولد
- ابن العم : أيوة .. قصدي لا .. قصدي اللحم .. صدقيني إن حلمت ياللا بينا
- نهرب للطهارة . لأرض البكارى .. لحلم العذارى
- الفتاة : مش عايزة كلام أحلام .. براءتي قبل كل حاجة .. البيت قدامك أو
- خش فتش .. شوف ابني فين
- ابن العم : دى الناس .. الناس إلى ع تقول يابت عمى
- الفتاة : براءتي قبل كل شىء .. ادخل انت بنفسك وشوف



ابن العم : بتقول الكلام ده ليه .. أنا عارف إنها إشاعة  
الفتاة : يبقى لازم تتحدى العالم كله .. وتقولهم إنى بريئة .. ونظيفة لازم  
تواجههم

ابن العم : ما أقدرش .. ما أقدرش  
الفتاة : يا ميت خسارة يا ابن عمى  
( صوت بكاء طفل )

الفتاة : استنى إيه

ابن العم : سامعة

الفتاة : سامعة إيه

ابن العم : صوت ولد الحرام

الفتاة : أنت مجنون .. مفيش حد .. رايح فين

ابن العم : الحقيقة .. لازم أعرف الحقيقة

الفتاة : دى إشاعة

ابن العم : ولد الحرام أهه

الفتاة : إيه ده .. دى حقيقة .. الإشاعة بقت حقيقة

مش ممكن .. عملتوها يا ولاد الكلب

( طلق نارى )

مصباح : ( محاضرة بداية المسرحية )  
الزمان

(ستار)